

ADMINISTRACIÓN LOCAL

MUNICIPAL

PADRÓN

Anuncio de recoñecemento de dedicación exclusiva e parcial a diversos cargos do Concello de Padrón

ANUNCIO

RECOÑECIMENTO DA DEDICACIÓN EXCLUSIVA E PARCIAL DE DIVERSOS CARGOS NO CONCELLO DE PADRÓN

Dando cumprimento ao disposto no artigo 75.5 da Lei 7/1985, de 2 de abril, reguladora das bases do réxime local, faise público que o Pleno da Corporación Municipal de Padrón, na sesión celebrada o dous de xullo do dous mil quince adoptou o seguinte acordo:

<<Primeiro.–O recoñecemento e aprobación da dedicación exclusiva para o seguinte cargo:

– Alcalde-presidente.

Segundo.–O recoñecemento e aprobación da dedicación parcial para os seguintes cargos e para os/as concelleiros/as que ostentan delegacións específicas pola dirección e xestión dos servizos que se sinalan a continuación:

- Concelleiro/a delegado/a de cultura; turismo; comercio; casco histórico; igualdade e muller; xuventude e voluntariado; política lingüística; información e comunicación: 16 horas semanais.
- Concelleiro/a delegado/a de urbanismo, vivenda e solo (excluído o ámbito do casco histórico); vías e obras (excluído o ámbito do casco histórico) e servizos públicos básicos: abastecemento de auga, saneamento, alumbrado público, recollida de residuos sólidos urbanos, parques e xardíns, limpeza viaria e cemiterios: 16 horas semanais.
- Concelleiro/a delegado/a de deportes; promoción do emprego e traballo; persoal; réxime interior e tráfico: 12 horas semanais.
- Concelleiro/a delegado/a de festexos; novas tecnoloxías; educación e ensino; benestar e servizos sociais e praza de abastos e mercados: 12 horas semanais.

Terceiro.–Fixar as seguintes retribucións brutas a percibir en doce pagas ordinarias máis dúas pagas extraordinarias anuais polo mesmo importe:

- Alcalde-presidente: 37.000,00 euros anuais.
- Concelleiro/a delegado/a de cultura; turismo; comercio; casco histórico; igualdade e muller; xuventude e voluntariado; política lingüística; información e comunicación: 11.500,00 euros anuais.
- Concelleiro/a delegado/a de urbanismo, vivenda e solo (excluído o ámbito do casco histórico); vías e obras (excluído o ámbito do casco histórico) e servizos públicos básicos: abastecemento de auga, saneamento, alumbrado público, recollida de residuos sólidos urbanos, parques e xardíns, limpeza viaria e cemiterios: 11.500,00 euros anuais.
- Concelleiro/a delegado/a de deportes; promoción do emprego e traballo; persoal; réxime interior e tráfico: 7.500,00 euros anuais.
- Concelleiro/a delegado/a de festexos; novas tecnoloxías; educación e ensino; benestar e servizos sociais e praza de abastos e mercados: 7.500,00 euros anuais.

Cuarto.–Recoñecer a compatibilidade das actividades económicas desenvoltas polos cargos e concelleiros/as con dedicación parcial ao abeiro do disposto no artigo 75.2 da LBRL en relación co artigo 5 da Lei de Incompatibilidades e en tanto non existe relación directa de tales actividades coas desenvoltas nos departamentos dos que se farán cargo no Concello de Padrón detallados na Resolución do Alcalde número 498/2015 do 25 de xuño.

- Don José Ramón Pardo Andrade: funcionario de carreira. Axente Medioambiental da Consellería de Medio Rural da Xunta de Galicia.
- Don Andrés Sanmarco Santos: contrato laboral por tempo indefinido na categoría de calefactor na UTE Dalkia Girola, encargada do mantemento do Hospital do Barbanza.
- Dona Carmen María Lois Ferrón: contrato laboral na categoría de xornalista-redactor no gabinete de información Cientoochentagradados Marketing&Comunicación.

Quinto.—Dar de alta no Réxime Xeral da Seguridade Social ao alcalde-presidente, e concelleiros/as delegados/as aos que se recoñece o réxime de dedicación exclusiva ou parcial, con efectos dende o día 2 de xullo do 2015, asumindo o Concello de Padrón o pago das cotas empresarias que correspondan.

Sexto.—De acordo co disposto no artigo 13.4 do ROF, o nomeamento dos membros da Corporación para algún destes cargos unicamente surtirá efectos no momento no que sexa aceptado expresamente por este, o que se comunicará ao Pleno na primeira sesión ordinaria que se celebre.

Sétimo.—Publicar o acordo plenario integramente no Boletín Oficial da Provincia da Coruña e no taboleiro de anuncios do Concello, ao abeiro do disposto no artigo 75.5 LBRL.

Oitavo.—Dar conta do acordo que adopte o Pleno á Secretaría e Intervención Municipais.>>

Padrón, 2 de xullo do 2015.

O alcalde

Asdo.: Antonio Fernández Angueira

2015/7367

ADMINISTRACIÓN LOCAL MUNICIPAL PADRÓN

Anuncio modificación número 1 do réxime de adicacións parciais de diversos cargos e recoñecemento de compatibilidades

ANUNCIO: MODIFICACIÓN NÚMERO 1 DO RÉXIME DE ADICACIÓNS PARCIAIS DE DIVERSOS CARGOS E RECOÑECIMENTO DE COMPATIBILIDADES.

En cumprimento do establecido no artigo 75.5 da Lei 7/1985 do 2 de abril, reguladora das bases do réxime local, faise público que o Pleno da Corporación Municipal na sesión realizada o 21 de abril do 2017 adoptou o seguinte acordo:

<<**Primeiro.** Aprobar a modificación número 1 do réxime de dedicacións que quedará como segue:

CARGO	DEDICACIÓN	RETRIBUCIÓNS BRUTAS/ ANO ⁽³⁾
Concelleiro/a delegado/a de urbanismo, vivenda e solo ⁽¹⁾ , vías e obras e parques e xardíns.	16 h/semana	11.500,00 €
Concelleiro/a delegado/a de cultura, turismo, comercio, casco histórico, igualdade e muller, xuventude e voluntariado, política lingüística, e información e comunicación.	16 h/semana	11.500,00 €
Concelleiro/a delegado/a de servizos sociais ⁽²⁾ , saúde pública, protección civil e emerxencias, persoal e festexos.	14 h/semana	9.500,00 €
Concelleiro/a delegado/a de servizos municipais básicos: alumbrado público e xestión enerxética, abastecemento de auga potable e saneamento de augas residuais, limpeza viaria e recollida e tratamento dos residuos sólidos urbanos; praza de abastos, mercado dominical e, en xeral, venda ambulante.	14 h/semana	9.500,00 €
Concelleiro/a delegado/a de deportes, promoción do emprego e traballo.	12 h/semana	7.500,00 €
Concelleiro/a delegado/a de educación e ensino e terceira idade.	12 h/semana	7.500,00 €

⁽¹⁾Excluído o ámbito do casco histórico.
⁽²⁾ Excluídos os servizos vinculados á terceira idade, o Centro de información á muller e, en xeral, igualdade e muller.
⁽³⁾ A percibir en 12 pagas ordinarias máis 2 extraordinarias anuais polo mesmo importe.

Segundo. Recoñecer a compatibilidade das seguintes actividades económicas desenvoltas polos cargos e concelleiros/as con dedicación parcial ao abeiro do disposto no artigo 75.2 da LBRL en relación co artigo 5 da Lei de Incompatibilidades, en tanto non existe relación directa de tales actividades coas desenvoltas nos departamentos dos que se farán cargo no Concello de Padrón e que se relacionan no Decreto do Alcalde número 251/2017, do 6 de abril:

- Don Angel Rodríguez Conde: persoal laboral da Xunta de Galicia con destino no Servizo de prevención e defensa contra incendios forestais da Consellería de Medio Rural.
- Don Francisco Javier Guillán Iglesias: traballador por conta allea no sector da hostelería e traballador por conta allea no sector de venda ao por menor de sementes e abonos.

Terceiro. Dar de alta no Réxime Xeral da Seguridade Social aos concelleiros/as delegados/as que asumen os cargos aos que se lle recoñece o réxime de dedicación parcial, con efectos dende o día seguinte á adopción do presente acordo, asumindo o Concello de Padrón o pago das cotas empresarias que correspondan.

Cuarto. De acordo co disposto no artigo 13.4 do ROF, o nomeamento dos membros da Corporación para algún destes cargos unicamente surtirá efectos no momento no que sexa aceptado expresamente por este, o que se comunicará ao Pleno na primeira sesión ordinaria que se celebre.


Quinto. Publicar o presente acordo integramente no Boletín Oficial da Provincia da Coruña e no Taboleiro de anuncios do Concello, ao abeiro do disposto no artigo 75.5 LBRL, e dar cona do mesmo á secretaría e intervención municipais.>>

Padrón, 9 de xuño do 2017

O Alcalde

Asdo. Antonio Fernández Angueira

2017/5081



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadron.es

Tfl: 981 81 04 51

Fax: 981 81 15 50

DONA ANA MARÍA ARES ÁLVAREZ, SECRETARIA DO CONCELLO DE PADRÓN (A CORUÑA),

C E R T I F I C O: Que, de acordo aos datos que constan nesta secretaría ao meu cargo, o Pleno da Corporación Municipal de Padrón, en sesión ordinaria realizada, en primeira convocatoria, o vinte e catro de novembro de dous mil dezaseis, aprobou, entre outras, a seguinte proposta que literalmente se transcribe a continuación:

4.- COMPATIBILIDADE SOLICITADA POLA CONCELLEIRA DONA LORENA COUSO DOPAZO PARA O EXERCIZO DUNHA ACTIVIDADE PRIVADA.

<<Antecedentes administrativos.

Primeiro. Por acordo do Pleno da Corporación municipal do 2 de xullo de 2015 aprobouse, entre outras cuestións, o recoñecemento da dedicación parcial para diversos concelleiros que ostentan delegacións específicas, fixéronse as retribucións destes cargos e recoñeceu a compatibilidade de tres dos concelleiros con adicación parcial.

Segundo. O anterior acordo notificouse ás persoas interesadas e todas elas aceptaron o réxime de adicación. No Pleno do 30 de xullo de 2015 dase conta desta aceptación.

Terceiro. O 13 de xullo do 2015 publícase no BOP número 130 o acordo anterior e posteriormente publícase no Portal de transparencia.

Cuarto. Por resolución 848/2015, do 23 de decembro, delégase na Concelleira Lorena Couso Dopazo as seguintes áreas incluíndo exclusivamente as facultades de dirixir e xestionar os servizos correspondentes: cultura, turismo, comercio, casco histórico, igualdade e muller, xuventude e voluntariado e política lingüística.

Quinto. O 14 de outubro de 2016 a Concelleira delegada presenta no rexistro municipal solicitude de compatibilidade do posto de Concelleira coa actividade profesional de técnico superior en axencias de viaxe e organización de eventos.

Sexto. Por Providencia do señor Alcalde do 11 de novembro de 2016 solicítase á secretaria municipal a emisión de informe sobre a solicitude presentada, o cal resulta emitido o día 14.

Fundamentos de dereito.

Primeiro. Considerando que no acordo plenario do 2 de xullo de 2015 estableceuse que ao cargo de Concelleiro delegado de cultura (e as outras 7 áreas máis) correspóndelle unha dedicación parcial de 16 horas semanais e unha retribución bruta anual, incluídas 2 pagas extraordinarias, de 11.500,00 euros.

Segundo. Considerando o informado pola secretaria municipal o 14 de novembro de 2016, cuxos argumentos son asumidos no presente acordo como motivación en base ao establecido no artigo 88.6 da Lei 39/2015, do 1 de outubro, do procedemento administrativo común das administracións públicas (LPAC), que di:

<<Partindo pois de que a Concelleira ten unha adicación parcial ao cargo debemos acudir á regulación que das incompatibilidades realiza a LIC que resulta de aplicación aos membros electos das Corporacións Locais segundo o seu artigo 1. As regras básicas das que parte esta Lei son:

– O principio básico de que será incompatible co cargo, neste caso de concelleira, calquera profesión ou actividade, pública ou privada, que poida impedir ou menoscabar o estrito cumprimento dos seus deberes ou comprometer a súa imparcialidade ou independencia.

– Para entender compatible un cargo público con dedicación parcial cunha actividade privada, ben sexa por conta propia ou baixo a dependencia doutro, a actividade privada non debe relacionarse directamente coas que se desenvolvan no departamento ou área na que presta servizos.

Neste sentido a solicitude presentada explícita que a actividade profesional a desenvolver o sería para empresas

que non teñan ningún tipo de vinculación co Concello de Padrón (debendo entender por vinculación que non lle presten, a día de hoxe ou nun futuro, servizos de calquera tipo) e que ademais o ámbito territorial onde se desenvolvería sería fóra do término municipal de Padrón. Sendo así, entendemos que se cumpren ambas normas.

Ben é verdade que tratándose de axencias de viaxes ou organización de eventos estas poderían querer prestar servizos ao Concello nas áreas delegadas na señora Couso Dopazo. Non obstante, sempre que se respeten estas dúas limitacións (que non presten servizos a Padrón e que sexa fóra do término municipal) entendemos que a debida imparcialidade ou independencia da Concelleira non se ve comprometida.

Segundo. En canto ao horario a única limitación establecida legalmente é a prevista no artigo 12.2 da lei citada: si a actividade privada require unha xomada igual ou superior á metade da esixida na actividade pública, tan só se poderá autorizar para aqueles cargos ou postos que se desenvolven a tempo parcial. É dicir, sempre que a dedicación sexa parcial non existe límite horario. Tan só sería necesario cumprir o réxime previsto no acordo plenario do 2 de xullo de 2015: 16 horas á semana.

E en canto ás retribucións establécense dúas limitacións no artigo 16 da LIC, que xa adiantamos que no presente suposto non se dan:

- A retribución polo cargo público non poderá incluír factor de incompatibilidade.
- O complemento específico ou concepto equiparable non pode superar o 30% da retribución básica (excluída antigüidade de ser o caso).

As retribucións dos cargos electos no Concello de Padrón non levan aparelado ningún tipo de complemento.

Terceiro. Por último sinalar que non estamos ante ningún dos supostos de incompatibilidade relacionados no artigo 178 da LOREX e que o órgano competente para resolver a petición é o Pleno da Corporación Municipal dado que así o establece o artigo 14 da LIC e que o prazo máximo para resolver este tipo de solicitudes será de 2 meses.

De aprobarse, o acordo de compatibilidade deberá publicarse no portal de transparencia por establecelo así o artigo 8.1.h) da Lei 19/2013, do 9 de decembro, de transparencia, acceso á información pública e bo goberno, e a interesada deberá actualizar a súa declaración de posibles causas de incompatibilidade e de actividades económicas.

Conclusión. Informamos favorablemente a solicitude de compatibilidade presentada pola Concelleira dona Lorena Couso Dopazo sempre e cando se cumpran as limitacións recollidas na propia solicitude e que se citan no apartado primeiro deste informe.>>


Propoño ao Pleno da Corporación Municipal:

Primeiro. Conceder a dona Lorena Couso Dopazo, concelleira delegada das áreas de cultura, turismo, comercio, casco histórico, igualdade e muller, xuventude e voluntariado, política lingüística e información e comunicación, a compatibilidade para desenvolver actividade privada profesional como técnico superior en axencias de viaxes e organización de eventos en empresas sempre e cando estas non teñan vinculación algunha co Concello de Padrón e a actividade se desenvolva fóra do término municipal de Padrón.

Segundo. Facer público o presente acordo mediante a súa inserción no Portal de transparencia do Concello de Padrón.

Terceiro. Notificar a presente resolución a todas as persoas interesadas, coa indicación de que pon fin á vía administrativa e contra a cal poderase interpoñer:

- Potestativamente o recurso de reposición, no prazo máximo dun mes desde o día de recepción da notificación da presente resolución, ante o mesmo órgano que dictou o acto impugnado.
- Con posterioridade á resolución expresa ou presunta do recurso de reposición, ou ben directamente, poderase interpoñer recurso contencioso-administrativo ante o Xulgado do Contencioso-Administrativo, no prazo de dous meses desde o día de recepción da notificación da presente resolución.



Padrón

Concello de Padrón

CIF P1506600D

Rúa Longa, 27

15900 Padrón, A Coruña

correo@padron.gal

www.concellodepadron.es


Tfí: 981 81 04 51

Fax: 981 81 15 50

- O recurso extraordinario de revisión, segundo o previsto no artigo 113 da Lei 39/2015, do 1 de outubro, do procedemento administrativo común das administracións públicas, ou calquera outro que estime procedente.>>


E para que así conste expido a presente, de orde e co visto e prace do señor Alcalde, e en cumprimento do establecido no artigo 206 do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, fago a advertencia de que a acta que a contén non está aprobada a día de hoxe, facéndose a certificación a reserva dos termos que resulten da súa aprobación. Padrón, trinta de novembro de dous mil dezaseis.

A secretaria



Visto e prace

O alcalde,



Asdo/ Antonio Fernández Angueira

